

### **Sinidoaren inguruko otoitza**

Hemen gaukazuz, Espiritu Santua,  
zeure izenean batuta.

Gure benetako aholkulari zarana:  
zatoz guregana, gure alde egin,  
sartu gure bihotzetan.

Erakutsi eiguzu bidea,  
erakutsi helmugara zelan iritsi.

Ez gaitezala okerreko bidetik joan,  
makal eta pekatarietako gertatzen jaken lez.

Ezjakintasunak ez gaizala  
guzurrezko bideetatik eroan.

Emoiguzu bereizketaren doea,  
Gure ekintzen oinarrian ez daiten  
aurre-iritxi eta burutapen faltsurik izan.

Eroan gaizuz batasunera zuregan,  
egia eta zuzentasunaren bidetik aldendu ez gaitezaz,  
lur honetako erromesaldian

betiko bizia jadesten ahalegindu baino.

Zeuri eskatzen deusugu, Aita eta Semeagaz bat,  
sasoi eta leku orotan jarduten dozun horri,  
gizaldi eta gizaldietan. Amen.

...

### **Jaunartze ondorengoa**

Jainko Aita-Ama ona:

zuretzat nire berbak eta eskerrak,  
zuretzat nire otoitza eta garaipenak.

Eta huts egiten badot be,


Zuk segidu nire ondoan.

## **2. EKITALDIA: AURREKO GURPILA**

### **«Jesus da ardatza»**

*(Maitatu Jainkoa eta maitatu hurko laguna)*

Barnekotasuna landu



### **Sarrera-oharra**

Ondo etorri, senideok, Abendualdiko 2. do-  
mekan honetan ospatuko dogun Familia-Mezara.

Alde batetik, profeten berbak entzungo do-  
guz. Beste alde batetik, gure umeei lagun  
egingo deusegu Jesus ezagutzen eta ha maita-  
tzen, Salbatzaile lez dei egin ahal izan deioen.

Gaurkoan —txirrinduaren irudiaz jarraituz— **au-  
rreko gorpila** azpimarratuko dabe: harekek emoten deusgu txirrindu-  
lariari norantzakoa.

Eta, nork emoten deusgu guri?, nor da gure txirrinduaren aurreko  
gorpila? Jesus!

Goazen pozik beragana, profeten berbeak argitu eta bultzatuta.

### **Sarrera-abestia**

POZ-POZIK NATORKIZU, JESUS,  
BENETAN NAHI BAIT ZAITUT ONDO EZAGUTU  
TA ZURI GOGOTSU JARRAITU  
ZEU ZARALAKO NIRE EREDU TA MAISU.

### **Abadearen agurra**

† Aitarene...

—Amen.

† Gu salbatzera datorren Jauna izan bedi zuekin.

—Eta zure espirituarekin

### **Abenduko kandlearen ixiotzea**

† Gure artean badan Salbatzaileari bidera urteteko, gure ateak  
zabaltzeko darabilgun bidea markatu egiten dogu, urratsez-urrats.  
gaur bigarren urratsa emoten dogula iragarriko dogu, bigarren kan-  
delatxoa ixiotuz, abesti artean:

**Jagi zaitez, Jerusalem, badator zure argia;  
hor dozu argitzen, su ta gar, Jaunaren aintza.**

*Eten lokarriak, barri txarrak alboratu;  
pobre guztiei zure bihotza zabaldu.*

## OTOITZA

Maitasuna da gure taldearen lema.  
Zu maitatzea, Jesus,  
eta laguna maitatzea.  
Emon ugari zure indarra  
maitasunaren gorpila  
sekula gelditu ez dadin.

### Lehenengo Irakurgaiari (Ba 5, 1-9)

Triste zagoz, itun, lur-jota, gogo barik...? Halantxe egoan, erbes-  
tean, Jainkoaren herria. Baina badau herriaren ardurea Jainkoak,  
eta profetea bialduko deutso adore emotera eta harentzat Jainkoak  
barri onak, alaiak, jai-girokoak daukazala iragartera.

### Salmoari sarrerea (Sal 125, 1-2ab...)

Gure egoera tristea aldatzeko Jainkoak dauan gogoari eta asmo-  
ari geure gogoa eta ahalegina gehitu behar jakoz. Eta zelan igarten  
dan gauzak aldatzen diranean. Salmoagaz batera esango dogu hori,  
Jainkoari gure esker ona agertuz.

**R/. Gugaz handikiro jokatu dau Jaunak;  
hau da poza daukaguna.**

### Ebanjelioari sarrerea (Lk 3, 1-6)

Bai; Jainkoaren gizona, profetea, da Bateatzailea. Baina orain-  
dino badauka txukundu beharrik. Dana-dala, berak dakian lez di-  
nosku bere zer dan eta zertara dei egiten deuskun. Entzungo deu-  
tsogu? Prestatu gaitezana Aleluia abestuz, zutunik.

### Homilian...

—Norabideko gorpila da aurrekoa; eta guretzat Jesus dala di-  
nogu. Baina...

... Ba dakigu norantza joan gura dogun, eta Jesusek garoazala  
norabide horretan zehar?

... Nortzuk doguz gaur egun hur-hurreko "profetak"? Nork garoaz

Jesusengana, haren irakatsiak-eta ikastera?

... Gure norabidea eta ibilbidea urratsez-urrats markatzen ez ba-  
goaz, laster galduko dogu norabidea, eta deslari ibiliko gara. Ez jaku  
hori sarritan jazo? Zer egin, orduan?

... Jesusek alkarmaitasunera garoaz. Horretarako barru bizitza  
zaintzea dagokigu. Ba daukaguz laguntzaileak...

.../..

### Abenduko bertsoak

Fededun batek itaundu eustan:

Eleizea nora doa?

Hiru berbatan azaldu daigun,

ez bada be komodoa:

Alkartasuna oinarri dogu,

parte hartze metodoa,

Misinoagaz osatzen dabe

hirurak ba sinodoa.

Beti betiko, Jesusek dino,

gauza bi bakarrik dira,

Markosek holan idatzi eban

barri onaren argira:

Gure munduan negarretan dan

behartsuari begira,

Maitez gu zaintzen Jesus datorku

alkarte erdi-erdira!

### Ezaugarrien aurkezpena

Aurreko gorpila: honen esangurea eta gure konpromisoa

—...

### Oparien gainekoa

Jainko Aita ona,

ogi ardauekaz batera

aurreko gorpil hau

aurkezten deusugu.

Beti jira-biran ibili daitela,

beti maitatzen bizi gaitezen.